


# ŽIVOTINJSKI SVIJET NACIONALNOG PARKA SKADARSKO JEZERO

Životinjski svijet Nacionalnog parka Skadarsko jezero je veoma raznovrstan. U jezeru živi 48 vrsta riba od kojih su najbrojnije: krap (šaran), ukljeva, jegulja, karaš, kljen, cipol. Osim riba u vodi žive i brojni puževi, školjke, račići, pijavice, larve insekata.

Jezero privremeno ili stalno naseljava oko 280 različitih vrsta ptica kao što su siva i bijela čaplja, veliki i mali kormoran, divlje patke, vodene koke, gnjurci, galebovi, vodomari i mnoge druge.

Na obalama jezera žive vodozemci (različite vrste žaba, mrmoljaka i davždevnjaka) i gmizavci (gušteri, zmije i kornjače), koji predstavljaju veoma važnu kariku u lancima ishrane.

U ovom Nacionalnom parku žive i sisari. Tipični vodeni predstavnik sisara je vidra.



## DA LI ZNAŠ

... da na površini stajaćih voda žive mnogobrojni sićušni organizmi: alge, praživotinje i sićušni račići kao što su vodene buve i ciklopsi, koje se jednim imenom nazivaju plankton. ... da larve mnogobrojnih insekata žive ili na jezerskom dnu ili na njegovoj površini. Kao npr. larve komaraca, vilinih konjica, vodenih stjenica i dr.

### Zadatak:

PREPOZNAJ ŽIVOTINJE PREMA DATOM OPISU I NAPIŠI NJENO IME NA LINIJI ISPOD.

1. Živi u mirnim i toplim vodama rijeka i jezera. Ima krljušti, oblo tijelo i krupnu glavu sa četiri brčića. Iako je šaren, ne može da se sakrije i ljudi ga često love.

2. Ova životinja nekoliko godina živi i hrani se u rijekama, a zatim odlazi u Sargaško more radi razmnožavanja. Ima zmi-joliko tijelo, dugo i do 1 m.

3. Ova životinja je u srodstvu sa zmijama i kornjačama. Hrani se insektima. Može biti jarkih boja, a karakteristična je po dugom repu. Živi na kopnu, na toplim mjestima poput kamenjara.

4. Ova životinja ima krila, dva krupna oka i grabljiva je. Iako se misli da živi jedan dan ona živi mnogo duže. Leti blizu vode i zbog prozirnih krila je dobila ime.

5. Ova životinja ima crno perje, dug rep i kljun. Pravi gnijezda blizu jezera i rijeka. Dobar je letač i ronilac, pa se hrani ribom i pomaže pelikanu u hvatanju ribe.

6. Boja joj omogućava da se dobro sakrije u travi. Zadnje noge su mu mnogo duže od prednjih. Ispušta zvuke i voli da sjedi na livadama lokvanja.

7. Ima rogove. Smeđe je boje. Voli da ide po drveću i mahovini. Ima šest nogu i krila, i može da leti.

